

# CENTRALNA BANKA BOSNE I HERCEGOVINE

Na osnovu člana 2. stava 3. tačke h, člana 7. tačke e, člana 39. i člana 42. Zakona o Centralnoj banci Bosne i Hercegovine („Službeni glasnik BiH“ broj: 1/97, 29/02, 13/03, 14/03, 09/05, 76/06 i 32/07), u skladu s Politikom izrade novčanica i kovanog novca konvertibilne marke, POV. 100-UV broj: 107/12 od 1. novembra 2012. godine, POV. UV-122-01-1-21/15 RJ od 31. marta 2015. godine, UV-122-01-1123/15 SD od 23. novembra 2015. godine i UV-122-01-1-43/16 SD od 23. juna 2016. godine i Odlukom o planu izdavanja kovanog novca konvertibilne marke apoeni 5, 10, 20 i 50 feniga i 1 konvertibilne marke, UV-122-01-1-37/17 LjJ od 29. marta 2017. godine, Upravno vijeće Centralne banke Bosne i Hercegovine na 6. sjednici od 29. marta 2017. godine, donosi

## ODLUKU

o puštanju u opticaj kovanog novca konvertibilne marke  
apoeni od 5, 10, 20 i 50 feniga i 1 konvertibilne marke

### Član 1.

Centralna banka Bosne i Hercegovine je izdala kovani novac konvertibilne marke (u daljem tekstu: kovani novac KM) u apoenima od 5, 10, 20 i 50 feniga i 1 konvertibilne marke, izdanja 2017. godine, u skladu s Odlukom Centralne banke Bosne i Hercegovine, UV-122-01-1-32/16 SM od 30. maja 2016. godine.

### Član 2.

Kovani novac KM iz člana 1. ove odluke ima osnovna obilježja i dizajn u svemu utvrđena odlukama, kako slijedi:

- a) Odluka o izdavanju, osnovnim obilježjima i puštanju u opticaj kovanog novca od 10, 20 i 50 feniga (»Službeni glasnik BiH«, 24/98 i 25/98),
- b) Odluka o izdavanju, osnovnim obilježjima i puštanju u opticaj kovanog novca od 1 i 2 konvertibilne marke (»Službeni glasnik BiH«, 20/00),
- c) Odluka o izdavanju, osnovnim obilježjima i puštanju u opticaj kovanog novca u apoenima od 5 konvertibilnih maraka i 5 feniga (»Službeni glasnik BiH«, 92/05).

### Član 3.

Kovani novac KM iz prethodnog člana ove odluke kovan je s godinom izdanja “2017”.

### Član 4.

Kovani novac KM iz ove odluke, po Zakonu o Centralnoj banci Bosne i Hercegovine, sve javne i privatne institucije i ustanove, pravna i fizička lica obavezna su prihvatiti u njihovoj nominalnoj vrijednosti kao zakonsko sredstvo plaćanja, kada im se ponude u gotovinskim transakcijama,

odnosno u poravnanju i plaćanju bilo kojih obaveza prema njima, na cijeloj teritoriji Bosne i Hercegovine.

Član 5.

Stupanjem na snagu ove odluke Centralna banka Bosne i Hercegovine će, preko Centralnog ureda, glavnih jedinica i filijala, kovani novac KM iz ove odluke puštati u opticaj sukcesivno, u skladu s inventurom zaliha kovanog novca KM i planom izdavanja kovanog novca KM u opticaju.

Član 6.

Ova odluka stupa na snagu danom objavljivanja u “Službenom glasniku BiH”, a objaviće se i u “Službenim novinama Federacije BiH”, “Službenom glasniku Republike Srpske” i “Službenom glasniku Brčko distrikta BiH”.

Broj: UV-122-01-1-38/17 LjJ  
29. mart 2017. godine  
Sarajevo

Predsjedavajući  
Upravnog vijeća Centralne banke  
Bosne i Hercegovine  
GUVERNER  
dr. Senad Softić